

**Guinea Berminat Laksana Model Pembangunan Felda
Bernama
28 Jun, 2012**

SUNGKAI, 28 Jun (Bernama) -- Guinea berminat untuk membawa model pembangunan Lembaga Kemajuan Tanah Persekutuan (Felda) ke negara tersebut.

Presiden Guinea, Alpha Conde menyatakan hasrat tersebut pada sesi soal jawab pada taklimat mengenai Felda semasa melawat Ladang Felda Besout 6, Trolak, di sini, Khamis.

"Presiden Conde amat kagum dengan taklimat mengenai proses kemajuan Felda, dan (beliau) bertanya sama ada model ini boleh diguna pakai dan dilaksanakan di Guinea, dan juga pihak berkuasa Malaysia yang dapat memberikan bantuan kepada Guinea untuk melaksanakan model ini,".

Kenyataan Conde itu dalam bahasa Perancis diterjemahkan ke bahasa Inggeris oleh penterjemah delegasi presiden itu.

Sesi taklimat mengenai proses pembangunan Felda sejak penubuhan pada 1956 hingga kini disampaikan oleh Ketua Unit Latihan Felda, I Rajindran.

Pada sesi itu juga tayangan video berdurasi 15 minit mengenai sejarah kejayaan dan transformasi Felda turut dipertontonkan kepada delegasi Guinea.

-- BERNAMA

Hak Cipta Terpelihara © 2012 BERNAMA

Source: <http://www.bernama.com/bernama/v6/bm/newsindex.php?id=676657>